

## 【離世間品、第十定品】的【21種佛德】經文會對

### 十定品第二十七

爾時世尊，在摩竭提國阿蘭若法菩提場中。  
始成正覺。於普光明殿。入剎那際諸佛三昧。以一切智自神通力，現如來身。  
清淨無礙。無所依止。無有攀緣。住奢摩他，最極寂靜。具大威德。無所染著。  
能令見者悉得開悟。隨宜出興，不失於時。恆住一相，所謂無相。

### 離世間品第三十八

爾時世尊，在摩竭提國，阿蘭若法菩提場中，普光明殿。坐蓮華藏師子之座。  
妙悟皆滿。二行永絕。達無相法。住於佛住。得佛平等。到無障處。不可轉法。  
所行無礙。立不思議。普見三世。身恆充遍一切國土。智恆明達一切諸法。了  
一切行。盡一切疑。無能測身。一切菩薩等所求智。到佛無二究竟彼岸。具足  
如來平等解脫。證無中邊佛平等地。盡於法界。等虛空界。

<b>【妙悟皆滿】 = 【最清淨覺】 (離世間品第 38) (佛地經、解深密經)</b>	
升兜率天宮品 第二十三	十定品 第二十七
爾時一切諸天及諸菩薩眾， 見於如來應、正、等覺， 不可思議，人中之雄。 ...	爾時世尊， 在摩竭提國阿蘭若法菩提場中。 始成正覺。於普光明殿。入剎那際諸佛 三昧。...

### 21 種佛德經文對照表

	十定品第二十七	離世間品第三十八
1 總說	1 始成正覺	妙悟皆滿
2-12 別說	2 入剎那際諸佛三昧(2 句)	二行永絕。達無相法
3.4 依通起用	3 以一切智自神通力	住於佛住
	4 現如來身	得佛平等

	5 清淨無礙 (3 句)	清淨= 到無障處. 不可轉法 無礙= 所行無礙
	6 無所依止·無有攀緣	立不思議
	7 住奢摩他，最極寂靜	普見三世
	8 具大威德 9 無所染著	身恆充遍一切國土 智恆明達一切諸法
	10 能令見者悉得開悟	了一切行·盡一切疑
	11 隨宜出興，不失於時	無能測身·一切菩薩等所求智
	12 恆住一相，所謂無相	到佛無二究竟彼岸·具足如來 平等解脫·證無中邊佛平等 地·盡於法界·等虛空界

疏鈔:

2. 【入剎那際 諸佛三昧】:

即窮法真源：謂時之極促名曰剎那·窮彼剎那，時相都寂·無際之際，名剎那際·即攝二句·謂二行永絕，及達無相法：若有二行，則有剎那·二行既絕，則剎那無際·由達清淨真如本無相故·

所以此中特名入剎那際者·為顯將說等覺位故。菩薩地盡，唯有果累無常，生相未寂，猶名識藏·若以無間智，覺心初起，心無初相，遠離微細念故，即無剎那·若入此際，即見心性常住，名究竟覺·故云諸佛三昧·亦顯差別歷位，不離最初剎那際故·

3. 【以一切智自神通力，現如來身】者，依通起用·此攝二句：

【一切智通】，即住於佛住·謂由一切智無有功用自神通力，常作佛事故·

4.. 【現如來身】，即攝得佛平等·謂依上一切智現身利樂有情故·

5. 【清淨無礙】，攝三句·謂【清淨】攝二句·

一、攝到無障處：謂慣習覺慧永斷所治，故云清淨·

二、攝不可轉法：由清淨故，他不能轉·

【無礙】者，即所行無礙·世間八法不能礙故·

6. 【無所依止、無有攀緣】，即立不思議·

謂雖立教法，不依世間故·非諸世間所能攀緣故·

7. 【住奢摩他，最極寂靜】，即普現三世：以見三世平等，如理無異，為最寂靜

8. 【具大威德】，即身恆充滿一切世間·現受用變化身，大利樂故·

9. **【無所染著】**，即智恆明達一切諸法：謂於諸法善決定故·無有染也。
10. **【能令見者，悉得開悟】**，此攝二句：  
一、攝了一切行：謂知有情性行差別·隨開悟故。  
二、攝除一切疑：謂知彼遠劫微少善根·亦令開悟故。
- 11 **【隨宜出興，不失於時】**，亦攝二句：  
一、攝無能測身：謂如其勝解而示現身，如摩尼珠，名隨宜出生不失於時  
二、攝一切菩薩等所求智：謂調伏有情攝受付囑等，皆不失時故。
- 12 **【恆住一相，所謂無相】**，攝餘五句·謂到佛究竟無二彼岸等·  
隨義雖殊，皆由一相無相而成，可以意得·餘如升兜率品辨。